



**TEKS UCAPAN  
YB DATO SRI AARON AGO DAGANG  
MENTERI PERPADUAN NEGARA**

**SEMPENA  
MAJLIS PELANCARAN  
KAWASAN RUKUN TETANGGA BAHARU SRI AMAN  
TAHUN 2025**

**14 MAC 2025 | 5.00 PETANG,  
DEWAN DR JOHNICAL  
RAYONG, SKRANG, ENGKELILI,  
SRI AMAN, SARAWAK**

Salam Perpaduan, dan Salam Malaysia MADANI.

## **SALUTASI**

*\*(salutasi terkini akan dikemukakan kemudian)*

## **PENDAHULUAN**

1. Hari ini kita berkumpul bagi menjayakan **Majlis Pelancaran Kawasan Rukun Tetangga Baharu Sri Aman Tahun 2025.**
2. **Kawasan Rukun Tetangga** adalah sebuah organisasi sukarela yang ditubuhkan oleh kerajaan pada tahun **1975** sebagai wadah penyatuan masyarakat pelbagai kaum.
3. Dalam **Kajian Separuh Penggal Rancangan Malaysia Ke-12**, yang telah dibentangkan oleh YAB Perdana Menteri turut menyatakan bahawa Rukun Tetangga akan diperkasa sebagai penggerak dan pengantara penting dalam penganjuran program komuniti, kesukarelawanan dan kenegaraan pada peringkat akar umbi.
4. Justeru, bagi menterjemahkan inisiatif ini, **Kerangka Pemerkasaan Rukun Tetangga Sebagai Penggerak Komuniti Progresif** telah dibangunkan dan disusun selaras dengan Dasar Perpaduan Negara. Sebanyak **lapan (8) bidang tumpuan** ditetapkan bagi mencapai matlamat komuniti progresif iaitu:

- I. Ekonomi dan Sara Hidup**
- II. Keselamatan dan Ketahanan Komuniti**
- III. Kepimpinan**
- IV. Kesejahteraan Komuniti**
- V. Pembelajaran Sepanjang Hayat**
- VI. Alam Sekitar**
- VII. Warisan dan Budaya**
- VIII. Daya Cipta**

- 5. **Sebanyak RM20 juta pada tahun 2024 dan RM20 juta juga pada 2025 telah diluluskan oleh Kementerian Kewangan di bawah inisiatif KRT Progresif** bagi membangunkan komuniti yang mampan, sejahtera dan progresif yang menjadi tonggak kepada Malaysia MADANI.
- 6. **Pada tahun 2024, sebanyak 152 KRT telah diperkasakan sebagai RT Progresif** yang berupaya membangun komuniti mampan dan progresif. Manakala pada **tahun 2025 disasarkan sekurang-kurangnya 300 KRT lagi akan dipilih untuk diperkasakan sebagai RT Progresif** dengan penilaian yang terperinci merangkumi penyediaan profil, pemetaan sosial, permohonan projek ekonomi dan kebun komuniti yang mampu memberi manfaat kepada komuniti setempat.

## **KRT PENGGERAK KOMUNITI PROGRESIF**

Hadirin yang dihormati sekalian,

7. Ketika ini terdapat sebanyak **8,529 KRT** telah ditubuhkan di seluruh negara di mana **91 daripada jumlah tersebut adalah merupakan KRT baharu** yang ditubuhkan pada tahun 2024 termasuklah **7 KRT baharu yang ditubuhkan di Lubok Antu (Bahagian Sri Aman)** ini iaitu :

- I. KRT Skrang Skim**
- II. KRT Skrang Ili**
- III. KRT Batang Ai Ili**
- IV. KRT Batang Ai Tengah**
- V. KRT Marop Cina**
- VI. KRT Klassen**
- VII. KRT Undop Tengah**

8. Secara keseluruhan di Negeri Sarawak kini mempunyai sebanyak **1092 KRT**.
9. Pemerkasaan RT Progresif yang saya telah perkenalkan pada tahun lalu adalah satu inisiatif yang penting kerana projek ekonomi yang dibangunkan oleh KRT Progresif mampu menjana pendapatan komuniti, sekali gus membantu meningkatkan pendapatan isi rumah. **Projek ekonomi bawah KRT Progresif meliputi tiga sektor utama, iaitu pertanian, produk makanan dan perkhidmatan.**

10. Pada tahun 2024, sebanyak **14 buah KRT berjaya dijadikan sebagai KRT Progresif di Negeri Sarawak** serta peruntukan **sejumlah RM 1.6 juta telah disalurkan** bagi menjalankan projek ekonomi komuniti dan lain-lain.

| <b>BIL</b> | <b>KRT</b>                               | <b>DANA (RM)</b>    |
|------------|------------------------------------------|---------------------|
| 1          | KRT Dang Esah, Pusa                      | 108,500.00          |
| 2          | KRT Kampung Kuala Sibuti                 | 115,500.00          |
| 3          | KRT Kampung Petanak Seri                 | 138,500.00          |
| 4          | KRT Kampung Sinar Budi Lama              | 139,580.00          |
| 5          | KRT Kpg Pemukat                          | 128,500.00          |
| 6          | KRT Nanga Ngungun Zon 1, Kanowit         | 135,500.00          |
| 7          | KRT Nanga Ngungun Zon 2, Kanowit         | 98,500.00           |
| 8          | KRT Nanga Ngungun Zon 3, Kanowit         | 109,200.00          |
| 9          | KRT Nanga Tada Zon 3, Kanowit            | 145,400.00          |
| 10         | KRT Rpr Taman Sri Muhibbah               | 58,500.00           |
| 11         | KRT Sungai Banyau                        | 123,100.00          |
| 12         | KRT Sungai Senapak Skim B Meradong Zon 2 | 103,500.00          |
| 13         | KRT Kampung Jabai                        | 125,000.00          |
| 14         | KRT Kampung Tengah Bakong                | 106,500.00          |
|            | <b>JUMLAH</b>                            | <b>1,635,780.00</b> |

11. Kementerian Perpaduan Negara sentiasa mengiktiraf dan menghargai jasa serta pengorbanan sukarelawan Rukun Tetangga yang bertindak sebagai barisan hadapan masyarakat untuk membantu kerajaan memastikan keselamatan, keharmonian dan kesejahteraan komuniti.

12. Dengan mengambil kira permintaan berterusan masyarakat untuk menubuhkan KRT, maka pada tahun 2025, Kementerian menyasarkan untuk menubuhkan sebanyak **100 lagi KRT baharu**.
13. Walaupun setiap tahun kita menambah dan menubuhkan KRT baharu tetapi kini terdapat lebih kurang 442 KRT (5.2 %) tidak aktif di seluruh negara. Oleh itu, saya berikan KPI tahun 2025 dengan meminta semua Pengarah Perpaduan Negeri mengambil tindakan proaktif, bekerjasama dengan pelbagai pihak melalui *whole of government approach*, melaksanakan kempen dan sebagainya untuk mengaktifkan KRT-KRT tersebut.

## **PENUTUP**

Hadirin yang dihormati sekalian,

14. Marilah kita menjadikan Rukun Tetangga ini sebagai satu titik peralihan untuk kita memperbaharui tekad dan komitmen kita dalam memperkukuhkan perpaduan.
15. Akhir kata, saya dengan sukacitanya **merasmikan Pelancaran Kawasan Rukun Tetangga Baharu Bahagian Sri Aman tahun 2024**.

Sekian, terima kasih.